

d'r Sjerpsjötter

 Carnavalsvereniging
De Kleinderre

- 2025 -



Geertruidse BOYS

EUSDEN
tve

trajekt
Controle

Inleiding

Allerleefste inwoenersj van Segietere en gehuchte. Mien preenses en ich zien gruutsj um euch dizze sjoene glossy te maoge prizzentere. Wiekende laangk haet de redaktie, gedelegèèrd doer de karnevalsvereniging getiept, geknip en geplak. Ien dit beukske kin dier niëve de proklamaties van groete én kleng CV, d'r sjlager en get leuke sjtukskes, vuuraal veul aw kloete veende.

De pagina's zien umkaderd mit un sjoen roed lintsje en oonderaan is 'n hippe doef te veende. Die doef sjtaet symbool vuur mieng duifkes, prinses Debbie en dochters Maud en Kiki. Enfin, nao lang jaor zjwiege, 'n magnefieke zitting, 'n zinderende galapreuverij en 'n oonvergiëtelijke receptie kiek v'r oet nao 'n zinderende karneval mit euch allemaol!

Veul plezeer geweunsj mit ut liëze van dit fantastisch beukske en 'ne dankjewel aan de sjponsore, meh boëvenaal an de redaktie. De bonne koëme nog..

Siuuuuuuuuuuuu.. Kleindererre Alaaf!!

Jubilarissen CV de Kleindererre 2025



*Viër wille euch bedaanke vuur de felicitaties,
attenties en sjoen wäörd die v'r ontvange hebbe
bie oos jubileum van CV de Kleindererre*

Franc (4x11), Pierre (4x11), Nay (3x11), John (2x11), Rob (1x11)





Proclamatie

Preens Maurice 1

Vieër , preens Maurice 1:

- 72e preens van de Kleindererre van Segietere

- Geboaëre en getoëge ien Segietere. Opgegruijd ien de Huijnestraot, 'n maedsje gevoonde aan de andere kant van Segietere ien de Tienstraot en oeteindelijk geland ien de Laathof

- Regent euver Groet Segietere, van Hakkeknoep tot d'r Endepool en van de SjoenGrub tot ut Kroajebusjke en van de Leisedel tot de Misjerhej

- Trotse besjermhier van mieng duifkes prinses Debbie en dochters Maud en Kiki en van ozze trouwe viervoeter Lewieke.

- Al mie es 11 jaor Iersjte tapper ien d'r artiestencafe van de groete zitting

- Op ut wirk probeer ig zoveul meugeluk luj aan zeep te hillepe en bie de veterane probeer ig zo wienig meugeluk kanse um zeep te hillepe

- Ig heb 't gevoel dat ig es sjutter van de sjutterij stjeeds biëter Ien de moat laop

ES TROTSE PREENS EN PREENSES VAN SEGIETERE ZUN VIËER GRUUTSJ UM DE VOLGENDE 11 PUNTE BEKINT TE MAKE





Ten Iersjte



OE DE BROUWER IS, HOOF DE BEKKER NEET TE ZIEN. DAE VLEEGER GAET DIET JAOR NEET OP. EEDERAEN DAE MICH 'N BIETSJE KINT, WIT DAT DAT NEET KLOPT. SJUUS WIE BIE MICH IEN DE IESKAS, GAON ICH D'R VAN OET DAT D'R VUUEËRROAD TOT BOEËVE AAN TOW IS BIEGEVULD.
DUS MIT DE CARNAVAL GELDT: OE D'R BECKER KUMP, MOT D'R BROUWER ZIEN GEWAES!



Ten Twiede



OOS HOES IS 'NNE ECHTE DOEVESJLAAG. MER LEEFS DREIJ PRIESWINNENDE DUIFKES FLADDERE DAO ROOND. NATUURLIJK BEEN ICH 'T MIEST GRUUTSJ OP MIENGE PRIESWINNAAR. MIE DUIFKE DEBBIE VLUUG AL MIE ES 3x11 JAOR VUUEËR MICH. DAOVUUEËR HEB ICH HÄÖR AUCH GERINGD MIT 'N GOUWE RINGSKE. UT FEES WAOR UITERAARD BIE DUR DOEF IN MERGRAOTE. ES GEDIPLOMEERD DOEVMILKER ZUNT DIE TWIE AANDER DUIFKES ES PIEPER BIE OOS GEKOEËME EN SJLUNT NOE HUN VLUUEËGELKES OET IEN DE GROETE WAERELD. DUIFKE MAUD IS SJUUS TRUUK VAN 'N WEDSTRIJDVLUCHT OET MADRID EN DUIFKE KIKI VLUUG OP EN NEER NAO TILBURG. GELUKKIG BEEN ICH ES ECHTE DOEVEPIET 'NNE MAAN VAN DE KLOK, DUS DAO HOOF DIEËR EUCH GENG ZURRIG UUEËVER TE MAKE.



Ten Dreijde



DIET JAOR IS 'T DAN D'RVAN GEKOEËME. AENE KIËER WEURS SE GEVRAOG UM PREENS TE WUURE VAN DE KLEINDERERRE. WAT 'N IER! EN TOEVAL BESJTAET NEET ZEGKE ZE WAL 'NS. ES ICH GOOD HAW NAOGEDACH HAW ICH KINNE WAETE DAT DE JONGENS BIE MICH ZOWWE KOEËME. WANT ZE WAORE OP ZEUK NAO DER 72E PREENS. EN ICH BEEN GEBOEËRE IEN 72. DAO IS EG GOOD UUEËVER NAOGEDAACH.



Ten Veerde



MIE DUIFKE DEBBIE IS EEN ECHTE KEUKENPRINSES. ZE KOEËKT DE SJTERRE VAN D'R HIEMEL. TOEN DEBBIE WIR 'NS LEKKER HAW GEKOEËKT, GIENG BIE OOS DE BEL EN KEEM DER PRESIDENT TUSJE DE SOP EN DE IRPELE VRAOGE UM PREENS TE WUUEËRE.
DAO-OP HEB ICH 'M DE VRAOG GESJTELD: ZEET DIËR DAN ZOE IEN PANIEK?



Ten Vijfde



ES OUDSTE OETGEROOPTE PREENS VAN DE KLEINDERERRE MOT ICH OONDANKS MIENGE LAEFTIED NOG AAN DE TOEKOMST DEENKE. OS GEDECHE GUN OET NAO INNE LIËVENSLOOP-BESJTENDIGE DOEVESLAAG. LEWIE, OZZE PREENSELIJKE WAAKHOOND, KUMP AUCH AL LAANGSAM OP 'NNE LAEFTIED DAT 'T TRAPLOAPE GET LESTIGER GAET. LEWIE IS HIEL BLIJ DAT ZIENGE BAAS OAG AAN HUM DEENKT.



Ten Zisde



UM RAAKE, DAT KIN ICH HIEL GOOD. AL BEEN ICH ES GEWIËRDRAEGER BIE DE SJÖTTERIJ NOG NEET ZOE TREFZIEËKER ES WIE BIE DE VETERANEN. DAO SJEET ICH WAL 'NS GEREAGELD RAAK. EN IEN DE DERDE HELF LUKT MICH DAT ALTIED. BIE DE SJÖTTERIJ HEBBE ZE DAT NOE AUCH IEN DE GATE. DAO RIEËKENE ZE NOE AUCH ALTIED OP MICH. DUS DAN WIT DIËR AUCH NOE AL, OE D'R MICH, SJUUS WIE BIE 'N SJÖTTERSFEEST, NAO D'R OPTOCH KINT VEENDE. JUUST, DAN KINNE V'R 'NS LEKKER GOËN KNALLE.





Ten Zieëvende



D'R JÄGERMEISTER IS ZOE WIE EEDERAEN WIT 'T HOESDRENKSKE VAN DE CV. ICH MOT AOCH IERLIJK ZEGKE DAT 'T UMMER LEKKERDER WURDT. ALLENG MOT ICH OPLITTE DAT 'T MICH NEET MEISTER WURDT. IG DREENK NEET MIE ES 3 JÄGER EN UN KLETSKE, DAN ZIT IG SJOEN OP 1 1 1 PROCENT. DIT WEURT UITERAARD EEN AANTAL KIEËRE HERHAOLD, HÉ VANNI EN LIEKE?



Ten Achtste



MIT CARNAVAL SJEET IG DUR VOEËGEL AAF. MEH ICH WEAT NOG NEET WAT ICH MIT 'T VOEËGELSJEETE MOT GOEËN DOEN. ICH HEB EEDERAEN VERTELD DAT ICH 'NS GAERE KUUËNING WIL WIEËRE. EN DA'NNE HIELE LOGISCHE SJTAP ES SE PREENS BIS GEWAES. MEH 'T IS AOCH AL JAORE GEBRUIKELIJK DAT DE CV OP PEENKSZOONDIG ACHTER 'T BUFFIT SJTAET IEN DE SJEETWEI. DUS ICH WAET BIE GOD NEET WAT ICH NOE MOT DOEN. OF SJEETE, OF TAPPE. WANT ES ICH SJEET, KIN ICH NEET TAPPE EN ES ICH TAP, KIN ICH NEET SJEETE. NEET GESJOEËTE IS ALTIED MIS, MEH WAAL SJEETE DINK IG AOCH.



Ten Nuuëgende



UNNE ECHTE KLEINDERER IS INNE DAE NEET NAO HAEM KINT GOEËN. INNE WAT BLIJF KALLE, DREENKE EN NEET HAEVER SJ KINT GOEN. ES TROTSE PAP VAN KIKI EN MAUD HEB ICH TWIE ECHTE KLEINDERINNEKES AAFGELIEVERD. ICH HEB DIE TWIE NIEKS HOEVE TE LIERE. LANG BLIEVE EN GENOG DREENKE IS GET WAT DIE AL HIEL LANG KINNE. ZE HAOWE AL DOERSJ VANAAF DE IERSJTE MINUUT. EN KALLE GAET HUN AOCH GOOD AAF. VAN WAE ZOUWE ZE DAT HEBBE? ICH WUUR WAAL 'NS MEUJ VAN MICHZELF. ICH WIL NEET WAETE WAT DIE TWIE DUIFKES VAN MICH WUUËRE...



Ten Tiende



ES GOOD GETRAINDE VETERAAN BEEN ICH 'T GEWAEND UM TOT AAN 'T LITSTE FLUITSIGNAAL ALLES TE GIEËVE WAT ICH IEN DE PREIJ HEB. MEH ICH MOT GAANS IERLIJK ZEGKE DAT ICH NORMAAL MIT DE CARNAVAL AAN 'T EINDE VAN DE DERDE HELF OP MAONDIG VRAOG VUUËR 'NNE PUBLIEKSWISSEL. ICH HEB DAN ALLES AL GEGIEËVE EN DAN IS 'T BITSTE BIE MICH D'R VANAAF. MIENGE TRAINER HAEM ZAET DAT ICH 'T DAN ALTIED HIEL ZJWOER HEB. MEH DIET JAOR GAON ICH OACH D'R DIËNSDIG 'NS MITMAAKE. ICH BEEN BENUJD OF ICH DAN AOCH WIR KIN SCOREN!



Ten Elfde



GENEETE, DAT DUNT VIEËR VANAAF 'T IERSJTE MOMINT. EN VIEËR HOEËPE DAT DIES CARNAVAL EEDERAEN KINT GOEËN GENEETE. GENEETE DAT MAOG MIT DE GROETE EN DE KLENG DINGSKES DIES DAAG. SAME MIT JEUGPREENS MAX, JEUGPREENSES SOFIE EN CEREMONIEMEESTER FEMKE MAKE VIEËR D'RR 'NNE ONVERGIEËTELEKE CARNAVAL VAN. DAN KIN VIEËR NAO DIES CARNAVAL WIR ZEGKE: "ZOE'NNE GOOIJE HEBBE VIEËR NOG NOETS GEHAD!" AL LIEGK MICH DAT WAAL HIEL SJTIREK, NAO 72 JAOR...



Ig heb gezaag en zegk 't doeër!

Carnaval Alaaf,

Segietere Alaaf,

Kleindererre Alaaf.



Autofirst Garage Olympia

NOE eedere occasion mit: Warranty extension, business solutions, Content Care-Pakket, customer-journey, Call to Action (CTA), Quality Corpse.

Zek wat beteikent dat eigenlijk allemoal?

Ig och neet

Ig heb eg gein idee




Sexy
Bandenwissel?

Huh, mer Maurice de hubs
toch al 'n vrouw?

Ig mot sjtrak nog effe noa de
graasj veur 'n groete beurt.

Ig veul eg eine band
tusjen oos






En wat is dit vuur 'ne wien??



Dit is vusj, gaene wien!
Beed dier zaat?

Ich been neet zaat, ich
been laat..



Wil dier 'n glaeske
Chardonnay? Of leever get
Chardojao?



Nog iemes get Merlot?



Om je

.....

bij af te likken



Sjik d'n suggestie
in noa adres:
Libekerstraat 9



Mien dagelijks hulpje is unne echte
ENTERTAINER!

Mien dagelijks hulpje is unne echte
CONTAINER!



Nelissen Containers

Sinds 1956
DE BOSRAND
RECREATIEPARK



Nuije eigenèr, nuij regels, en dat zalle ze **MERKEN.....**

Ich zeuk uns gear ut (bos) rensje op..

**OPENING
VERNIEUWD
PARK
ZOMER 2025**

Binnekort te kriege bie os, mieng nuij snack specialiteit; de patrickcandel speciaal



Dat weurt un echte hit collega, ich been noe al (s)fan!



Kreuwels Vastgoed

Advies Assurantiën Beheer Bemiddeling Taxaties

Knappe vent, die is Vast goed



Tja...d'r Bart wil de rijstied opens niemie vergoede

Wiezoe zien eug broejer zoe plat?

Noe mot ich zeker mit de beijn wiet he jong

Wiezoe? Hebse geng vaas?


Flowerfull
by Giel & Marion Ackermans



Mieljaar Frijns, hebse d'r kloemel wir vassegevaare



Neajong, ich koam un brugk lieëvere

Fysiotherapie de Heerderrein

Maurice, wat
heat dea giepsj
vuur un kleur?

Gebroke wit!




Dat mot diet jaar
wal un hiel diek
bagk wuere!

SJLAGER 2025

Couplit 1:

Krappe braoje, mit vääol eijer
 gooje boejem, kin v'r weijer `nne
 jäger, 'n glaas beer, dreenk gauw op,
 zit `m neer Pekske aan, zjuus op tied
 Blief tot laat, gaene sjpiët Èrtesop...
 mit d'r raod Bagk hingk oet, in de sjtraot



Refrein

Viër gun vuur 111 procènte
 Viër zien nog ummer hie
 Viër giëve 111 procènte
 Vuurläöpig gun v'r neet-e weg

Viër gun vuur 111 procènte
 Viër zien nog ummer hie
 Viër giëve 111 procènte
 Vuurläöpig gun v'r neet-e weg



Tussesjtuk

Neet 100
 Neet 11
 Meh hoon-derd-elf-pro-cènt
 Neet 100
 Neet 11
 Meh hoon-derd-elf-pro-cènt

Brugk

Na na na na na na na na na Na na na na na
 na na na Na na na na na na na na na Na na
 na na na na na na Na na na na na na na na
 na Na na na na na na na na Na na na na na
 na na na na Na na na na na na na naaaaa

Couplit 2

Optocht lup, vuur gaene meter,
 ien d'r zaal, gaet 't biëter
 Sjoen geschmink, volle gaas
 op d'r preens, hef 't glaas

Litste rundsje, dach 't neet
 te gezellig, blief tot sjleet
 huur e welske, gooj meziek
 Alles giëve, de tactiek
 (tactieeeeeeeeeek)



Doeg mich 5 pils!

Neet kinne
auto rieje en
dom vraoge
stelle!

Wat is de euvereankomst
tusje 5 beer op hebbe en
vroluij, wat zow 't zien?

Wat 'nne
flater..

BIER
SPECIALITEITEN

Bier v/d tap:

Kompel Bovengronds

Nostalgie mi 7%

SPECIAL

HOSTALGI

Locomo

Van de Fl

Bro

Bro

Gr

D

Bavaria

Bavaria



De onzichtbare Superhelden van de carnaval ien Segietere

Het is wir zoe wiet. De sjtroate van Segietere vulle zich mit meziek, vlagge en de geur van viersjgetap beer. De carnivalswagens stun ien de lak, de pekskes zien gestriëken (of nou ja, oet de verkleidkis getrokken) en de ierste polonaises weuren veurzichtig iengezat. Carnaval is magie. Mer loat veer ierlijk zien: die magie ontsteat neet vanzelf. Achter de sjerme wirke de échte helde van dit feest: de vrijwilligers.

In 'n dörp wie Segietere zien ze d'r ummer. Neet op d'r veurgroond, mer zoonder hun geburd d'r simpelweg nieks. De vereiniginge en veul mans- en vroluj zien moande geleije al begonne mit de iersjte vergaderingen, terwijl de res van 't dörp zich nog druk wor an 't maken euver de zoëmervakantie dit joar. De sjrievers en acteurs die tot deep in de nach sjave aan hun stukske, en zich doa eine gooje bie dreinke want zoonder brandsjtof kump nieks op geng.



En dan heb se de verkiersjregelaers die zörge dat d'r optoch doër 't dörp ginne complete chaos wurd. De vrijwilliger dei op 't litste moment nog eine accu rigelt umdat d'r aggregaat van Sjaak het ienens heit begiëve. De redactie van het klukske die d'r chaos induuke gewapend mit pen, plakband en oonsjtelbare doorsj noa sappige verhoale. En loate vier veural de vrijwilligers achter de bar neet vergiëte, die de deursjtige carnavalisten blieve veurzien van sjoemend geluk in vloeibare vorm terwiel d'r vloer oonder hun sjeun langzaam in 'n beersjpons veranderd.

Carnaval ien Segietere liek mesjien 'n spontane explosie van feesvreugde, mer biste liëzer, is nieks minder es 'n zorgvuldig georkestreerde operatie, meugelijk gemak doër luij die noets in de spotlight stun. Dus esse dit joar in d'r polonaise steis, hef dan ens 't glas op al die onzichtbare krachte achter de sjerme. Want zoonder hun? Stong se noe warsjijnlijk ien eane café zoonder meziek, zoonder optoch, en – loat veer ierlijk zien – zoonder excuus um dig 'ns ein hiel fout pekske aan te doen.

Ich been de dakdekkerfee, wilsen un wunsj doen?



Ich how ut leefste un doevetil op ut daak veur mien duifje!

Dat is ech onmeugelik, get andersj mesjien?

Dan zow ich mien preenses wille begriepe....

Ehhh, laot mich de teikeningen nog uns zeen?

Kiek 'ns naef, v'r hebbe de zaak wir oetgebrijd. Bedaank nog vuur 't geweldige idee! An deh sjtrijd ien Oekraïne is genoeg te verdeene!

Aw kloete Ivan, ich vroeg alleng wienie v'r nog 'ns ginge TANKE!



Thank you Labasco!

LABASCO
ALLROUND MACHINE REVISIE
DRAAIEN | FREZEN | KOTTEREN | MONTAGE



Verdomme, sjuus op tied! Aoch 'ne hamburger?



Nee, ich been an ut lijne..

D'r keump 'ne Antilliaanse man bie de Gamma en zaet an de balie:
"Hé swa, ga mij een koeast geven."
"ne wat menier?"
"Een KOEAST!"
"Kin dier dat ff vuur mich sjpelle estebleef?"
"OK,

De K van Kokaine,
De W van Wakantie,
De A van Anvelop,
De S van Sietroen,
en de T van Pickwick!"

Schildersbedrijf
Habets & Deliège v.o.f
Margraten

- ◆ Schilder - en behangwerken
- ◆ Wand - en plafondafwerking
- ◆ Marmer - imitatie

Tel. 06-23196957
Fax. 043 - 458 4240
Tel. 06 - 20204969



Awkloete..

16 & 17 MEI 2025

FANFAREZAAL SINT GEERTRUID



Jao ich been aoch blij!

Kaom d'r aoch 16 en 17 mei?

Kinse die mop van achter ien de 57??

Ich aoch neet, ich zoot veurien



Nee, ich wuur leever aafgetuig

Zal ich dich 'ns optuige?



Ut is wit-zwart, wit-zwart, wit-zwart, wit-zwart, wit-zwart, wat is dit?

'n Non die van de trap vilt..

Zoe Joonk zie die hielemaol neet!



Kerstaenjelrapers 66 jaor

Couplet 1

Viër deenke noe al wiëke laank alleng
aan Carnaval

Viër gunt wir aan de geng ut is 't
sjoenste fete van aal

't Pekske hingk al virdig noe nog
schminck ien 't gezich

Vuër 4 daag laank is ozze blik op
Carnaval gerich

Pre Chorus

Dao vluug confetti doeër de loch

Maak vuër os mer 'n vrij baan

Wat gaet gebäöre wits-te toch

Viër gunt wir renne doeër d'r zaal

Chorus

Viër koeme sjpringe en same zinge

Zien Kerstaenjelrapers dao, dat
al 66 jaor

Viër koeme sjpringe en same zinge

Zien Kerstaenjelrapers dao, dat
al 66 jaor

Couplet 2:

Viër sjpringe en viër daanse want de
bühne is wir van os

En loore dao van boeëve aaf, d'r
zaal dae gaet gaans los

De keender veere carnaval, zoe is os
dat gelierd

Segietere wit wie dat mot, zoe wurd
dat hie gevierd

Hook:

Hey Ho Hahaha Kerstaenjelrapers
zegk Alaaf

Hey Ho Hahaha Kerstaenjelrapers
zegk Alaaf

Hey Ho Hahaha Kerstaenjelrapers
zegk Alaaf

Hey Ho Hahaha Kerstaenjelrapers
zegk Alaaf

C-sjtuk:

Dus pak v'r os nog eng kier vas

En laope ien de maot

En zinge same ien der zaal

Of midde op de sjtroat

Alaaf Kerstaenjelrapersj

Gaans 't durrep opgelit

Vier sjpringe nog 'ns obbenuijts

Koamt doot nog eng kier mit



KARNEVALSPROGRAM CAFE 'T CENTRUM

Heller vrieve..


D'r gaes is oet de flesj bie die manne..

Graag géén café voor mijn auto parkeren!



Wat is 't versjeel tusje 'ne sniejmaan en 'n sniejvrouw?

Sniejballe..



Karnevalsprogram

Vriedig 28 fibrewarie

Vanaaf 14.00oor aaftrap van de vastelaovend mit de after school party, oonder begeleiding van DJ Roel

Zaoterdig 1 miert

Aw Wieverbal m.m.v. Toutes Directions en DJ Hermanus

Zoondig 2 miert

Biekoëme en gezellig 'n kiertsje liegke

Maondig 3 miert

Aankoms van d'r optocht kieke vuur of ien d'r Kaffie. Meziek wuurd verzurg doër DJ Hansi

Diënsdig 4 miert

Lekker relaxe oonder 't genot van 'n pilske en netuurlijk de kaartfreaks.

Goonsdig 5 miert

Hiering knauwele

V'r make d'r wir 'ne geweldige Karneval van!!

Hans & Monique



• Machinebouw • Onderhoud
• Engineering • Constructiewerk


info@bk-tech.nl • www.bk-tech.nl



Mot ver neet
uns een pauze
ienlasse?



Ich frees
van waal



Sjat kiek, ich heb
unne nuije hoond
gekoch

Dat is unne fienge,
wie neum ver 'm?

Lassie



RON
Boontje komt
om zijn loontje

CARNAVALSPROGRAM 2025

Vriedig 28 februari

- 10.33 oor** Preens Maurice I en Preenses Debbie te gast bie de Top 1.111, live te volge op L1 Radio en TV.
- 12.01 oor** Bezoek aan d'r Peutersjpuulzaal in Segietere oe Preens Maurice I en Preenses Debbie an alle keender u sjiek verheulke gunt vuurleeze.
- 12.33 oor** Sjoelcarnaval same mit De Kleindererre, De Kerstaenjelrapers en de Kapel.




Zaoterdig 1 miert

- 13.11 oor** Insjtallasje van d'r GemengtePreens op 't Gemengtehoes ien Mergraote.
- 19.00 oor** Bezoek aan de aovendmis. De mis wurdt opgelooesterd doër zangkoër Sing for Joy.
- 20.01 oor** Bagk Oetlaote. Vuur d'r 42^e kiër in 't midde van 't midde van 't dörp doer Preens Maurice I en Preenses Debbie, Jeugpreens Max I, Jeugpreenses Sofie I en Ceremoniemeester Femke, en d'r kastelein.
- DENAO SAME IN DEFILE, MIT DE KAPEL EN OS HOEGLUSTIGHED E VUÜROP, NAO CAFE 'T CENTRUM.**
- 21.00 oor** Insjrieve vuur d'r Optoch in Café 't Centrum bie Hans en Monique. Lit op! Insjrieve kin alleng dán! Daonao wuure geng insjrievinge mie geaccepteerd!
- 21.44 oor** Officieel loëting van de volgorde van d'r Optoch doër Preens Maurice I. De volgorde vin d'r daonao natuurlik aog op oze website.
- 22.01 oor** Awwerwitse Segieterse aw-wieverbal mit meziëk van de Kapel en DJ Herman!
- 23.33 oor** Oetrieking van d'r wisseltrofee aan 't sjoenste aad-wief.

Zoondig 2 miert

- 18.11 oor** Keendercarnaval georganiseerd doër JCV de Kerstaenjelrapers: Thema DISCO!



Maondig 3 miert

- 13.00 oor** Opsjtelle van d'r Optoch op 't kirmesterrein.
- 13.33 oor** Sjart Optoch en Defilé vuur de kirk.

Optochroete: Julianawiëg - Burg. Wolfssjtraot – Nuj Hofsjtraot – Achter de Höfkes – Past. Huunesjtraot – Burg. Wolfssjtraot - De Laathof - De Uithof - Buitenend - Libekersjtraot - Tiendsjtraot – Korehof – Sjoelstraot - Dörpsjtraot.

PARKEER ESTEBLEEF GENG OTO'S LANGS DE OPTOCHROUTE!



- 16.01 oor** Optochbal ien d'r KleindererreTempel mit meziek van de Kapel en DJ GIDI. LIT OP: 't Optochbal is NON-STOP! **Honger? D'r is u frietkot anwezig!**
- 21.01 oor** Oetrieking van 't gowwe, zilvere en broonze bak aan de prieswinnersj van d'r Optoch.
- 21.33 oor** Vervolg van 't Optochbal mit meziek van de Kapel en DJ GIDI.
- 01.11 oor** Einde Optochbal.

Diensdig 4 miert

Aog diet jaor wurdt 't krappe braoje gezamelik georganiseerd doer CV De Kleindererre en JCV De Kerstaenjelrapers. Diet jaor zunt v'r alwir te gast op 'n verrassende locatie ter iere van 't jubileum van JCV de Kerstaenjelrapers.

12.44 oor

Verzamele op d'r Pley bie d'r Fon Curfs in Hirkenter, hoesnummer 21.

13.01 oor

Roondgaank langs de hoezer doer de jeug van Segietere en Hèrkenter vuur sjepek en eijer, broed en aander sjmakelikke dinger. Géé sjoep!!! De jonges en maedsjes gun mit Preens Maurice I en Preenses Debbie, Jeugpreens Max I, Jeugpreenses Sofie I en Ceremoniemeeste Femke langs de däöre.



De volgende sjtraote kinne e bezeukske verwachte:

- Korenhof – Julianaweg boven – Tienststraat - Schoolstraat
- Buitenend – Gen Eikske – Veldkoel – Uithof – Laathof – Munckhof - Hochterhof
- Herkenrade

De aander sjtraote koeme volgend jaor wir aan de bäörd.

14.44 oor

Gezamelik sjepek en ei iëte bie d'r Fon Curfs. Ederaen dae 't leuk vind um dit 'ns mit te make is van harte welkom, ziëker de luj oet de sjtraote van d'r Preens, Jeugpreens, Jeugpreenses en Ceremoniemaester.

15.33 oor

Einde van 't krappe braoje.

15.44 oor

Verzaamele op d'r Pley bie d'r Fon Curfs in Hirkenter, hoesnummer 21.

16.01 oor

Vertrik van d'r Kabaaloptoch 2025: allemaol 111 procente kabaal make en same nao d'r Kleindererertempel. Route: Roskuil, Sjoelsjtraot, Durpsjtraot.



Alle keender die mitgun kriege in d'r KleindererreTempel van Preens Maurice I en Preenses Debbie aoch get lekkersj: **BRUUDSJE KROKIT OF FRIKADEL!!!**

18.11 oor

An de geng in d'r KleindererreTempel, de litste eurkes van de carnaval ien Segietere same mit de Kapel en DJ Herman.

AOG DIET JAOR IS D'R IEN D'R KLEINDERERRETEMPEL E BRUUDJESKOT. 'T BRUUDJESKOT IS OËPE TOT 21.11 OOR!

23.01 oor

Vertrik oet d'r KleindererreTempel.

23.11 oor

Um exact 23.11 oor zal 't bagk wuure iengehaold doër Preens Maurice I, Preenses Debbie, Jeugpreens Max I, Jeugpreenses Sofie I en Ceremoniemaester Femke es de officieel sjleeting van de carnaval 2025 ien Segietere. En dan is 't sjoes.

Doot oos e plezeer en niëm neet alle tije te serieus! 't Is carnaval hé!





Sjat, ze fotograferen mich zelfs op ut wirrik!!!

Mer die achtervloggen mich gelukkig neet....



Wat kriegs se es ich mit de auto van pap ut water ien vaar?

'n golf..?

Wiezoe numt Maud Maggi mit?



Veur es ze d'r auto ien de sop veurt...



En dan lutse dizze balk 'ne meter oetsjtiëke. Wat vinse dao van?

Oetsjtekind!

Margraten | Maastricht | Nuth

Kin ich hie urges de han wesje??

Dao is 'n kraan..

Oe d'r Brouwersj is, is d'r Beckersj aoch!

BROUWERS
INSTALLATIES EN DAKWERKEN BV





DISCO PARTY



carnavalszondag 2 maart
zaal open 18.11

thema DISCO
locatie fanfarezaal segietere

Carnavals oproop veur alle jeugdige
carnavalsveerders op carnavalsvriedig.

Direct noa de sjoel carnaval op d'r carnavalsvriedig wil vier
gear mit zoeveul meugelijk carnavaleske luij en kinder noa d'r
Kaffie bie Hans. De kinder die mit komen krieger hie allemaol
un carnavalsbrudsje mit knakwoersj.



Ich zek altied mehr zoe; de mos un
gegronde reije hebbe um neet te wirke
mit Heckers Schilderwerken. Die heat
toch niemes, ich heb namelijk d'r biste
grondverf



Tusje de middig is Heckers
Schilderwerken neet
bereikbaar; dan is Emiel unt
geniete van unne heerlijke
Happy (E)Miel

BEFORE AFTER




HECKERS
Schilderwerken

**UT IS BLAUW EN UT RUUK
NOA ROEJ VERF**

BLAUW VERF



Dizze klus mot
ich good sjoore
vuurdat ich d'r
primer drop zit

Vuur un offerte kin d'r mich
ummer unne E-miel sjtuure.


HECKERS HACK

**Kees dervuur um binne UV-
besjtendige verf te pakke. Ut
besjermt de verf tege de
sjaarlaampe en vier houwe
get mier draan euver**

Proclamatie JCV de Kerstaenjelrapers




Leef keender en groete luij van Segietere, Herkenter, Bruusterbusj, Moersjel en Liebik. Hie zient viër dan! JubileumPreens Max, JubileumPreenses Sofie en Ceremoniemeester Femke. Same mit Preens Maurice en Preenses Debbie van de Kleindererre gunt viër diët jaor vöörp ien de carnaval van Segietere.

'T wurdt 'n hiel biezeunder carnaval want viër veere same mit uch allemaol, alle keender en alle groete luij, 't 66 jaorig jubileum van de Kerstaenjelrapersj. Viër zient mit oos dreije de heersersj uëver 't Kerstaenjelrapersj-riek 2025, en viër hebbe euch gaans get te beeje diët jaor.

Want diër kint os wal: - es goale-tiëge-houwer van SJO DTV, - es fanaten van Mix, - es tifosi van de Italiaanse keuken, - es giganten van groep 7/8 en vanaaf huij aoch es de vöörp-löäpersj ien der polonaise.

Vier maake aan alle keender en groete luij van de Roosenhof ien Bruusterbusj tot aan Lei van de Mischerhei, van de auw Blokhut tot aan de Boskriek en van 't brugske bie de Bosrand tot de nuij loodsen bie d'r Huls de volgende 11 peunte bekind:



Ten iersjite

Ich, Preens Max der Iersjite, been vanaaf huij d'r 2^e Preens van de Bankzitters. Es Bankzitters zien viër neet alleng fan van dat clubke Youtubers, meh viër vurme aoch 'n eige clubke Preense of Preense "to be". Vuuërig jaor waor mienge vreund Preens Sef al aan de böärt. Ich heb mit Sef vuuërig jaor dus al good kinne oefenen. Oe Sef waor, dao waor ich aoch. Ich heb dus 't good vuuërbeeld gehad.

Mieng vrun motte zich noe goen spooje es ze aoch nog preens wille wuuëre, want zoe lang hebbe ze neet mie d'r tied. Dus jonges, noe lit mer hiel good op en loor mer wie ich 't doon. En es Preens verbeej ich 't ze um mit de carneval op de baank te goen zitte.

Ten twiede

Eindelijk maog ich aan eekeraan vertelle dat ich Preenses Sofie de Iersjite been van de Kerstaenjelrapers. Wat heb ich meujte gehad um te zijwiege. Vanaaf huij maog ich, en diër, 't aoch allemaol doërvertelle dat viër dreije vöörp gunt ien de Segietere carnaval.

Kalle is inne van mieng groetste hobby's en dat is get wat diër dus oach allemaol maogt doen mit dies daag. Vertelt euch get, klasjeneer en moel mit aen, bazel get sjtomme kaal en breuzel get. Van pap van mich maog d'r zelfs get auw hoore! Es 't mer vuuër eekeraan leuk is, dus neet roddele, leege of sjtuuëke. En vergiët neet te zegke wae 't trio diët jaor is. Ich zegk 't euch alvas vuuër!

Dat is Ceremoniemeester Femke, dat is Preens Max en ich been Preenses Sofie!



Ten veerde

Ich been inne hiele sjportieve Preens, want ich tennis op 't Centre court van Kalleberg en ich keep ien de Geertruidse Boys-arena. Dat litste heb d'r good gehoord, ich been d'r keeper van Segietere. Want dae nuije naam, DTV, Door Traditie Verbonden, dae haet vuuër mich nieks mit voetballe te make.

DTV, dat been ich es Preens van de Kerstaenjelrapers. Ich been namelijk Door Traditie Verbonden mit de carnaval van Segietere. Ich sjpring, ich ren en ich zing traditioneel al jaore mit de carnaval. Bie de boys sjtaon ich aachter ien de goal, meh mit de carnaval sjtaon ich ien de sjpits. Ich been helsj um vöörp ien d'r polonaise te goën.

Ten dreijde

Ich maog diët jaor same mit ozze Preens en Preenses es Ceremoniemeester de carnaval ien Segietere ien gooj bane leije. En gelöäf mer dat ich mich dao op verheug heb. Pap zaet dat ich inne klenge reagelateur been, dus dat mot wal good koëme. Ich heb mie liëve laank d'r van gedruimd um mit op de foto's te maoge. En vanaaf huij is 't zoewied.

Ich gaon mit aan de geng, ich zit vol energie. En es sommige luij dao d'r moond van oëpe vilt, dan is dat gaaroets neet errig, want mam is tandartsassistente, dus die is 't wal gewaend dat luij mit d'r moond vol tan sjtunt te loore!

Ten vijfde

Mie liëve laank wuuër ich haem al es 'n Preenses behandeld. Alles wat ich neet opruim, wurdt wal doër inne aandere opgeruimd. Pap en mam drage mich op han. Mesjiens is dat aoch neet zoe vraem, want Opa Giel waor ien 1971 Preens van de Kleindererre. Uëreges zit 't dus wal ien mie blood.

Ich hoëp alleng neet dat 't nao mich wir 'n generatie uëver mot sjloën, want mieng zus Eline sjtaet te trappele um och Preenses te kinne wuuëre.

Ten zisde

Op de sjoel motte v'r diet jaor d'rvan profiteere dat v'r nog vööl plaatsj um te sjeuple hebbe. Diet jaor kinne v'r nog op d'r gaanse sjpuuëlplaatsj, ien de Tiny Forest en roond de sjoel polonaises laope. Es dao hoezer gebouwd wuuëre blijf nog mer de hellef uuëver, dus dan motte v'r aoch d'r polonaise ienkorte.

Diet jaor hoof dat nog neet, dus vraog v'r alle keender van de basissjoel um achter os aan te goen vuuër der langste keenderpolonaise van Segietere op carnavalsvriedig. De kapel zurrig vuuër d'r muziek, en der groete raad mit Preens



Ten zievende

Ich trommel es lierling bie de drumband van de fanfare, en Sofie oefent op de trompit. Uuëver e paar jaor sjpuuële viër mit de kapel mit es 't carnaval is. Meh diet jaor motte ze 't ien eeker geval zoonder os doen. Es de Kapel wir gaet beginne, dan motte vier goën zinge en sjpringe.



Ten achste

Op 25 januari sjpronge preens Maurice en Preenses Debbie nao vöäre es nuij preensepaar van de Kleindererre. Same mit hun gunt viër d'r 'n oonvergiëtelijke carnaval van make. En 't is extra sjiek dat ze zich kleijer hebbe oetgezoch die perfect passen bie die van oos.

Mit de carnaval kleurt alles roed, gael en greun, meh es d'r get blauws zeet langskoëme, dan is dat vas en ziëker iemes mit preenselijk blood.

Ten tiende

Supersjiek vin ich 't dat ich es Jubileumpreens Max d' iersjte diet jubileumjaor maog ienkleure, same mit JubileumPreenses Sofie en Ceremoniemeester Femke aan mieng zij. Mit z'n dreije en ozze fantastische jeugdraad van 33 mutsen maake viër d'r 'n geweldig carnavalseizoen van. En v'r hebbe geluk, want 't is neet alleng 'n hiel laank seizoen, meh v'r hebbe aoch nog get speciaal dinger vuuër alle keender en alle groete luij van Segietere.

V'r hoëpe dat eekeraen op 8 februari noa d'r jubileum-aovend kumpt. Viër presenteere uch dan ozze nuije Kerstaenjelrapersj-Sjlager dae d'r allemaol kint mitzinge. En es klap op de vuurpijl gunt v'r op d'r diënsdig truuk nao Hirkenter. 't Krappebraoje gunt v'r namelijk ien 't midde van 't midde van Hirkenter doen, ien de loods bie aad jeugdpreens Fon Curfs.

Kerstaenjele kinne v'r dao neet rape, meh get lekkersj is dao ziëker wal te veende.

Ten nuëgende

Es Preenselijk trio hebbe viër saame geziëte en heb v'r 't gehad uuëver de Hoesweij. Viër wille alledreij dat dao get mie gaet geböäre. Tijdens de sjluuëtel-uuëverdrach op 't gemengtehoes zal v'r 'ns 'n hartig wöärdjsje kalle mit d'r burgemeester. Want noe is 't 'n groet honden-oetloot-gebied ien 't midden van 't durrep.

Viër wille dao kinne skeelere, fietse, hutte bouwe, voetballe, en veural Feeste! Es 't klimaat gaet verandere kinnen v'r mit de carnaval dao missjiens al 'n beachparty hauwe. Davuuër belaoe viër, dat es 't op carnavalszoondig 33 graden wurdt, viër mit z'n dreije op de Hoesweij de cocktailbar zalle bemanne.

Ten ellefde

Op carnavalszoondig kint eekeraen zieng bitste moves laote zien tijdens d'r keendercarnaval-disco-zoondig. Mieng vriendinne van bie Mix swinge dan de pan oet, de jonges dunt inne line dance en de groete kinne hakke en zage. Sjtel sjtoen maog dan neet, v'r wille dan eekeraen zien mit de veutsjes van de vloer!

Laot de papa's en mama's mer deenke dat ze ien de Sjmid of ien de Peppermill sjtunt, viër switchen van Tomorrowland nao Kleindererre-land ien d'r Kleindererre tempel. Oh, en... es d'r euch aafvraogt oe ich dan been? Mich zal d'r dae aovend neet zien es Dancing Princess. Ich been dan de Dancing Queen!

Diet zien de 11 peunte oe d'r euch aan te hauwe hebt diet jaor.


Al 66 jaor veere keender carnaval
Verkleijd daet eekeraen mit, 't is 't sjoenste fete van aal.
Van de keenderzitting aaf, tot aan 't ienhoële van 't dagk
Alle daag zint v'r same, gunt v'r same aan de bak

En vluug confetti doer de loch,
maak dan vuuer os mer 'n vrij baan
Want wat gaet gebaore wit-se toch,
vier aunt wir renne doer d'r zaal!

De keender veere carnaval,
zoe is os dat gelierd
Segietere wit wie dat mot,
zoe wurdt dat hie gevierd.

Viër hebbe gezaag, zegk dier 't wejjen

Kerstaenjelrapers Alaaf
Kleindererre Alaaf
Segietere Alaaf





Jonges zeet ger murrege fit?

Vit? Ze bis zelef vit!



Wat un apesjtreeke



Eeg krieg der mer unne helle kop van




Eeg heb de lekkersjte sjtukker vleesj van gans segietere!

Dan hebse die van meeg nog neet gezeen!



Eeg weat neet welke eeg lekkerder vin...



BOUW
PARTNER

SIEBEN
BOUW & AFBOUWMATERIALEN

Welkom bij jouw bouwpartner

Vier sjtun al
35 jaor ien de
steigers..

Lang geleije dats
dich nog us hebs
gesteigerd...

Is dit opbouw
of afbouw??

Ich deenk ieder
ruwbouw...





Enne, zonnebrand
vergieëte?



Wat wils dich later
wuëre?




Rechter!




Obergine



Administratie & Adviesbureau
Pittie



Abels, vuurwat goeise de
helf van de sjrouve eweg?



*Un bekeuring is un boete vuur get watse
verkiërd deas, de belasting is un boete vuur
get watse good deas!*



Die hebbe dr kop an dr
verkiërd kant!



Meh jong, die kinse toch
vuur dr plafon gebruke!

Timmerbedrijf
Ronald Abels

Interview Prins Maurice 1 en Prinses Debbie

Maurice wat wor dieng iersjte reactie op de vraag of se Preens wils weuren?

Mieng iersjte reactie wor serieus de vraag aan de luij die mig dis vraag sjtelden: Zeet dier in paniek?

Denoa: Ig vin wal dat het eine ier is esse gevraagd wursj dan mosse het och doen. Wie ig het mit Debbie besjproak wor zie direct enthousiast.

Woaren de keender devan op de huugte dat dier het Preensepaar 2025 zouwt weuren?

Nei. 'n Aantal wiëken van teveuren hebben ze wal get oontdik via de iPad. Zie hebben doa tot op het moment van oetkomme nieks van gezag. Kiki twiefelde nog mer Maud wis het ziëker.

Maurice wie lukt het dig um zoe fit te blieven op dizze leiftied? Veer huure namelijk truuk dat se de nuudige kilometersj löps mit de sjutterij mer och dat se hiel veul wedstrijden speuls mit de veteranen op 'n joar oe se dig wekelijks op 'n positieve meneer onderscheids?

In het weekend gun veer geire get drenke, op bezoek en/ of oet iëten. Doër de week leif veer gezond zeit Maurice; gezond iëten, neet te vittig, veul greunte, veul visj en ginne alcohol.

Debbie wie luk het dig um zoe good te blieve oetzien?

Wienig last van Maurice. Doen wat se leuk vinds, de hebs mer ein liëven en de mos dig zoe wienig meugelijk ergeren.

Oe is de voonk euvergesjlagen?

Noa lang deenke zeit Maurice dat dit ien de roemruchte Discodancing De Smid in Rimmersjtok wor. Maurice heit Debbie doa ten dans gevraagd. Blikbaar wor Debbie zoe oonder de indruk van zieng dansmoves dat zie acuit verkering hawwe oftewel snuffelstage.

Debbie en Maurice zien in 1998 getrouwd, en hebben iersj bie de ouwersj van Maurice gewoend.

Maurice en Debbie zien ien Groonsveld goon woenen tot in 2005. Ze hebben ummer carnaval ien Segietere geveerd. Vanaf 2005 woenden ze wir truuk in Segietere in het hoes oe ze noe woenen.

Wie zuut het weekend d'r bie uch oet qua invulling?

Op bezoek bie vrun, oet iëten. Zoaterdig steit bienoa altied in het teiken van de veteranen van de Geertruidse Boys. Op zoondig gun veer wandelen mit d'r hoond en tusjendoër en veural ien de zomer heit Maurice activiteiten mit de sjutterij. Eigenlijk zien veer vrie saai luij zeit Maurice, traditioneel en veer hebben veul structuur.

Maurice heit och de ambitie um keuning te weuren oetgesproken. Mer dat wor um veur afleiding te zörgen veur het aankomend Preenssjap.

Wie heit d'r hoond? Loewieke. Het is Maurice zieng taak um d'r hoond pet te loaten. Maurice zeit dat heer ganse gesjprekken heit mit Loewieke tiedens het oetloaten zie zien tensjlotte de twie mennekes in het gezin. Zoe wor Loewieke d'r enige wat op de huugte wor van het feit dat maurice Preens zou weuren.

Maurice heb se nog 'n boodschap veur eederein dei dit joar carnaval geit veere?

Joa. Neet te laat beginnen en neet te vreug oetsjeie.

Speciaal, dit joar veur eug aog nog un digitaal vervolg van ut interview. Scan de volgende QR codes en beloester nog extended geluidsmateriaal.

Iersjte fragment:



Twiede Fragment:



Vrijgezellenfeest Maurice in '98





Wea kint dat
grepke van dea
timmerman?

Dea huwt
hielemaol
neurgus op




Ich been 'nne
Uber miensj



Zegk Maurice,
wiezoe paks dich
nooit oose taxi?

Ich moes van de hoersarts op
mieng dreenggedrag litte, daarom
goan ich er noe altied bie zitte en
kiek ich in d'r sjpiegel
Ich mot zekke dat 't d'r good oet
zuut aaltied



Het geheim van
Wijndomein d'Hunes

Loester menier, mieng
vrouw zeat altied zoe:
Manne zien sjuus wien

Wie
miengse...???

Sjei oet mit dea
sjtomme kaal
en sjut mich e
glas wien in

Joa en gauw
e bietsje, en
vuural neet
te WIENig

Sommige wuure zoer,
mehr de biste wuure
bieëter mit d'r tied

En aan euge blik te
zien zeet gier unne
zoere wien

L'Appetito

Word
chefkok bij
L'Appetito!

De vorige Chef is gestopt
die had geen tijd meer

Wij zorgen heel
goed voor onze
pizza's als er
bijvoorbeeld eentje
ziek is...

..dan bellen wij Dr. Oetker

Ig zou hie noe 'n pizza grepke kinne
vertellen mer dat is mig te 'cheesie'

Allih dan, ig goan eeker joar op vakans
noa 'n Spaand eiland oe ze elleng mer
pizza iëten, Ipiza.



Zek Joszé wie bis dig
eigenlijk an de vrouw
gekoëmen?

Ig heb 'm eine
verkeer-ring
gegiëven en toen
wor het zoe

Haha
ha



Zek duifje ig kin noe och
pissen ien d'r BMW, dat num
se eine BMWC



Hei Ellen mosse looren, FONIMA heit noe och
rolluiken mit opdruk. Sjik he?



Es ig noe eine helle krieg
val ig van d'r sjtek aaf

Jong ig been sjerp



Weit ig
veul

Sjat, wie num se eine
sjerpe voëgel?

'N vogeil



FRISSEN

GROEN TECHNIEK **70** JAAR



Dea hie
rechtsonder is
geane frissjen

Dea humor ien dit
beukske is afgezeag



Ja-koe-
zie

Maurice, dich
zits good De-bie





Vereniging
Verkeersregelaars
Zuid - Limburg



Lit op veur dea das,
dea dit euch de das
um

Das kut



FRITERIE
Op Locatie
06 480 160 99

Thuisbezorgd? Nea gek, doeg
mig mer Friterie op locatie!

Wat wilt ger
bie de frieten?

Doeg mig get
mayonaise





PAPER HILLS

Gespecialiseerd in
postzegels,
ansichtkaarten en
ander auw foto's.

Auw foto's zisse, zouw
se meeg dan kinnen
vertillen oet welk joar
dis foto van de
boemelere kumt?

Dit is volgens
meeg de uurste
kleuren foto
van tebannet



Wat is mier weerdit dis bonnekaart of dize
postzegel van der keuning?





the
pepr
company

Pils
En
Pilsener
Company



Land de doef
vannacht og op
miene pepr?



Oonnut

Kom ver dreenken oos inne
samen, eeg hub drei kier
gescoord

Joa meh wal in
de verkierde
goal





= KOPBRIEËKERSJ



Help diër mig mien sjoen duifke truuk te veende?



I	F	W	Z	B	G	X	U	L	S	U	O	K	Z	N	B	V	K
G	I	K	A	P	E	L	Y	S	X	N	S	S	K	R	X	Q	E
P	E	Q	R	R	U	K	A	V	O	R	E	G	V	S	B	H	R
W	E	A	E	E	T	L	Q	B	W	F	A	E	D	F	K	C	S
W	R	T	G	T	F	C	U	M	X	B	I	T	R	H	H	O	T
Q	R	F	A	S	U	F	W	P	A	L	L	E	J	P	L	T	A
G	E	J	L	I	L	G	Z	J	B	E	E	C	B	B	Z	P	E
I	R	I	J	E	L	Q	E	K	P	O	L	W	L	T	C	O	N
T	E	R	S	M	E	J	J	V	H	A	W	B	I	G	H	B	J
S	D	E	H	R	D	M	F	E	U	A	Q	Q	I	E	T	L	E
E	N	T	N	E	R	Y	I	H	Q	C	I	L	E	O	K	I	L
Z	I	T	A	G	E	M	U	D	H	Y	T	D	K	Q	G	E	R
N	C	U	A	A	D	I	D	G	M	A	X	U	M	O	P	T	A
E	L	J	R	J	N	M	A	U	R	I	C	E	E	V	V	Q	P
S	K	S	E	T	O	P	P	E	R	J	D	M	F	U	P	T	E
I	T	J	T	D	O	R	G	U	F	O	H	T	A	A	L	H	R
Z	J	Q	E	B	H	R	V	P	O	S	E	T	W	R	E	C	S
W	H	F	V	E	D	D	E	B	B	I	E	K	R	T	K	G	B



- BAGK
- ERWTESOP
- JÄGERMEISTER
- KLEINDERERRE
- MAURICE
- OPTOCH
- SJUTTERIJ
- ZISENESTIG
- DEBBIE
- FEMKE
- KAPEL
- LAATHOF
- MAX
- PREENS
- SOFIE
- DUIFJE
- HOONDERDELLUF
- KERSTAENJELRAPERS
- LEWIEKE
- OPPER
- SJLAGER



Colofon of Kolophon (ook gespeld als Segieters Plat: Kolofon, Latijn: Colophon, Grieks: Κολοφών)
 Copyright © 2025 't Klukske

Auteurs:
Benny, Philippe, Rob, Pim, Guy, Lindy, Tom, Sam, Koen, Stan en Melissa

Drukker: Hans H
 Eindredacteur: Presidence Roel
 *Vertaler nao ut Segieters plat: Gewoen van Dale
 Oetgever: Cv de Kleindererre
 Jaor van oetgave: 2025
 Oplage: 11.111
 ISBN: 111 111 111 111



'T KLUKSKE